

- bænda tilnefniir tvo menn í nefndina til tveggja ára og tvo til vara. Ef ekki er starfandi ráðunautur í loðkanínurækt, skal stjórn Búnaðarfélags Íslands skipa mann í þá stöðu.
- 21.4. Kynbótanefnd skal marka skýra stefnu í kynbótum á loðkanínum. Meðal verkefna nefndarinnar er að gera tillögur um:
- Afurðaskýrsluhald í loðkanínurækt, sem Búnaðarfélag Íslands sér um.
 - Dómsstiga fyrir kynbótasýningar og val á kynbótadýrum, auk þjálfunar fyrir tilvonandi dómara.
 - Innflutning á loðkanínum og sæði.
 - Fyrirkomulag einstaklingsprófana og afkvæmarannsókna á loðkanínum.
- 21.5. Búnaðarfélagi Íslands er skylt að halda kynbótasýningar á loðkanínum í samráði við einstök kanínuræktarfélag eða Landssamband kanínubænda. Skal Búnaðarfélag Íslands senda landráðunaut, eða annan þann dómara sem kynbótanefnd hefur veitt tilskilin réttindi. Stjórn viðkomandi kanínuræktarfélags tilnefniir tvo meðdómendur og annast undirbúning sýningar. Einstök kanínuræktarfélag geta haldið sýningar oftari, að því tilskildu að stjórn félagsins útvegi hæfa dómara á sýningu.
- 21.6. Heimilt er Búnaðarfélagi Íslands, Landssambandi kanínubænda, bændaskólunum og/ eða öðrum þeim aðilum sem þess óska, að koma á fót uppeldis- og kynbótastöðvum í loðkanínurækt. Slíkar stöðvar skulu hlíta fyrir mælum kynbótanefndar um einstaklingsprófanir og afkvæmarannsóknir á loðkanínum.

22. gr.

- 22.1. Brot gegn reglugerð þessari varða sektum til ríkissjóðs nema þyngri refsing liggir við samkvæmt öðrum lögum.
- 22.2. Ítrekuð, alvarleg brot af ásetningi eða stórfelldu gáleysi skulu jafnframt valda réttinda-missi til að reka loðkanínubú.
- 22.3. Með mál út af brotum á reglugerð þessari skal farið að hætti opinberra mála.

23. gr.

- 23.1. Reglugerð þessi er sett samkvæmt heimild í lögum nr. 46 25. mars 1991 um búfjárhald, lögum nr. 11 23. apríl 1928 um varnir gegn því að gin- og klaufaveiki og aðrir alidýrasjúkdómar berist til landsins, lögum nr. 77 1. október 1981 um dýralækna og lögum nr. 84 30. maí 1990 um búfjárrækt og öðlast gildi þegar í stað og birtist til eftirbreytni öllum þeim sem hlut eiga að máli.
- 23.2. Jafnframt fellur úr gildi reglugerð um loðkanínurækt nr. 393 3. október 1984.

Landbúnaðarráðuneytið, 5. júní 1991.

Halldór Blöndal.

Jón Höskuldsson.

GJALDSKRÁ

vegna hundahalds í Þórshafnarhreppi á árinu 1991.

1. gr.

Gjald fyrir að halda hund í Þórshafnarhreppi, sbr. 2. gr. c staflíð samþykktar frá 15. maí 1991 skal vera kr. 5 000, á árinu 1991. Gjaldið greiðist fyrir fram á gjalddaga 1. júní 1991. Innifalið í leyfisgjaldinu er hundahreinsunargjald.

2. gr.

Handsömunargjald skv. 3. gr. samþykktar frá 15. maí 1991 skal vera kr. 2 000, í fyrsta skipti, kr. 4 000, í annað skipti og kr. 6 000, í þriðja skipti.

3. gr.

Um vexti af vangreiddum gjöldum skv. gjaldskrá þessari gilda almennar reglur.

4. gr.

Gjaldskrá þessi, sem samin er og samþykkt af hreppsnefnd Þórshafnarhrepps skv. 22. gr. laga nr. 81/1988, um hollustuhætti og heilbrigðiseftirlit, staðfestist með ofangreindum gildistíma.

Heilbrigðis- og tryggingamálaráðuneytið, 30. maí 1991.

Sighvatur Björgvinsson.

Ingimar Sigurðsson.

SAMÞYKKT**um hundahald í Þórshafnarhreppi.**

1. gr.

Hundahald er bannað í Þórshafnarhreppi.

2. gr.

Sveitarstjórn er þó heimilt að veita einstaklingum búsettum í hreppnum undanþágu til hundahalds með eftirfarandi skilyrðum:

- a) Sækja skal um leyfi til að halda hvern einstakan hund. Hundurinn skal skráður á skrifstofu sveitarfélagsins, og þar fær eigandi hans afhenta plötu sem jafnan skal vera í ól um háls hundsins.
- b) Árlega skal greiða sveitarsjóði leyfisgjald fyrir þá hunda, sem undanþága er veitt fyrir skv. sérstakri gjaldskrá sem heilbrigðismálaráðherra staðfestir.
- c) Skylt er hundaeiganda að hafa hund sinn ábyrgðartryggðan hjá viðurkenndu váttryggingarfélagi. Við greiðslu árlegs leyfisgjalds skal leggja fram kvittun frá tryggingarfélaginu, sem sýni að tryggingin sé í fullu gildi.
- d) Hundurinn skal aldrei ganga laus á almannafæri, heldur vera í fylgd með aðila, sem hefur fullt vald yfir honum. Eigi er leyfilegt að fara með hund inn í skólalús, opinberar byggingar, matvöruverslanir eða aðra staði þar sem matvæli eru höfð um hönd. Á almannafæri (skipulögðu þéttbýli) er leyfishafa skylt að fjarlægja saur eftir hund/a sína á tryggilegan hátt.
- e) Hundaeiganda ber að öðru leyti að hlíta lögum og reglum er hundahald varða, þ. á m. reglum um árlega hreinsun hunda, greiðslu leyfisgjalds, svo og fyrirmælum er heilbrigðisnefnd kann að setja.
- f) Leyfi fyrir einstökum hundum er að jafnaði háð því að þeir raski ekki ró íbúa hreppsins og séu hvorki þeim né öðrum, sem um hreppinn fara til óþæginda, með tillit til hávaða óþrifnaðar, eyðileggingar verðmæta eða slysaheattu.